



明善堂詩集卷九目錄 壬戌

早起

明善堂春晝靜坐

喜雨

心跡雙清春遊作

過杏花村登春錦樓小飲

瓶中玉蘭

初夏西園道中

園中閒咏二首



題西湖圖

西湖十景詩

雙峰插雲

蘇堤春曉

柳浪聞鶯

花港觀魚

曲院荷風

平湖秋月

南屏晚鐘

三潭印月

雷峯夕照

斷橋殘雪

春閨怨

秋閨怨

柳枝歌步明周憲王韻二首

四景詞

楊柳枝三首

竹枝詞四首

遊仙曲

初秋登不繫園玩月二首

上之回

將進酒

隨

駕幸臥佛寺恭紀

七夕

侍萱齋偶成

寄呈敬齋四兄

秋日冰玉山莊作

西郊曉行

種菊

寄呈九思大兄

秋爽宜人燕居無事學步蟬聯體二十首賦

得松風雪月天花竹鶴雲烟詩酒春池雨

山僧道柳泉

新居四首

喜雪偶成

聞晴江林師回京因寄

雪夜

明善堂詩集卷九 壬戌

早起

東風無力拂垂楊
早起閒吟對墨莊
鳥唱曙烟花
盡笑鈎簾贏得一
亭香

明善堂春晝靜坐

和風拂檻正新晴
靜坐應多樂意生
架滿圖書無
俗韻庭留花草有
閒情開窓眼底遊
魚躍捲幔風
前舞蝶迎盡日支
頤渾自得爐香
椀茗喜雙清

喜雨

明言堂詩集 卷之九
春來方苦旱

聖主念斯民祈雨勤宵旰憂農感化鈞土膏隨脉動
愷澤與時新霖霖初含潤霏微久漸勻堯天方霽
靄禹甸自昉昉和氣騰中野休徵協上辛汪洋思

帝德霑漑頌

皇仁擊壤占豐稔賡颺達

紫宸

心跡雙清春遊作

春日園亭好移舟繫柳塘堤遙隱樹色圃近覺花

香百轉流鶯巧雙飛蛺蝶忙留連忘日暮樓閣映

斜陽

過杏花村登春錦樓小飲

杏花村裏日遲遲閑步登樓把酒卮好是雲屏山
色外紅霞芳樹映春漪

瓶中玉蘭

折得名花著意栽幽姿皎潔案頭開重簾好護無
瑕質不放尋香蜂蝶來

初夏西園道中

幾行柳接禁林邊
芳甸風光夏更妍
點點輕塵隨馬足
飛飛小燕掠車前
看花到處尋幽寺
望雨關心問野田
只有清閒牛背好
一聲牧笛夕陽天

園中閒咏

輕輕柳絮滿天飛
偶得乘閒自掩扉
獨是殿春花信好
牡丹架上籠斜暉

其二

覓得餘閒意灑然
垂綸每坐小橋邊
樓臺倒影影平波
靜常見鷗雛沙上眠

題西湖圖

山繞烟雲水繞隄
萬株花柳望中齊
六橋樓閣明如畫
一席壺觴醉似泥
月朗風清遊客散
紅稀綠暗曉鶯迷
披圖我亦移情久
何日栖遲靈隱西

西湖十景詩

蘇堤春曉

長堤數里柳枝垂
曙色分明映鏡池
風送波紋遊舫動
月臨花影酒籌移
遙村烟樹樓中畫
近水晴光閣上詩
一帶青山橋畔望
曠曠旭日正升時

雙峯插雲

眺賞平蕪一帶連雙峰忽起插高天削成萬古青
霄上對峙千秋遠岸邊林屋參差依翠檻長堤杳
靄菴雲烟香車寶馬頻來往拄杖看山靜裏緣

柳浪聞鶯

綠樹千章暎遠山黃鶯調舌語間關雙柑携去情
彌淡五柳栽時意更閒幾度喚春春欲去數聲鶯
夢夢初還風來幽韻誠堪聽小立清吟水一灣

花港觀魚

綠波數頃見清湍唼水游魚蘋末攢畫舸移時風
裊裊名花落處影珊珊閒來却喜迴廊步興到還
憑曲檻看潛躍忽從吟思觸留連日暮滯歸鞍

曲院荷風

荷葉荷花泛水中迴波清淺送香風亭亭繞岸千
枝綠曲曲憑闌萬朶紅雅潔自饒君子德清高寧
與俗人同晚來雨後還如拭掩映斜陽漾碧空

平湖秋月

風動微波皓魄移樓臺近水浸玻璃漁翁立月垂

綸晚詞客悲秋鼓棹遲
蓼岸夜浮初上影柳隄光
漏欲疎枝澄鮮林壑饒
清興一鏡流輝對詠詩

南屏晚鐘

萬笏嶙峋遠接天暮鐘
杳靄入雲烟晚風送響穿
幽寺夜月侵堦醒定禪
高處幾聲飄碧漢靜時一
擊間流泉憑闌頓覺塵懷
淨可似寒山到客船

三潭印月

萬頃琉璃一色奇潭清如
鏡晚來時歌聞橋畔簫
聲動月到天心塔影移
草樹銀塘光的皦烟波碧

漢夜淪漪繞堤閒步多幽
趣印澈重淵景最宜

雷峯夕照

片片明霞麗遠空雷峯高
照峙湖東接天暮靄三
山迥倒影波光一鏡紅好
似丹楓攢樹杪依稀野
燒入雲中何年古塔留今
日晚景留連興不窮

斷橋殘雪

留得瓊瑤照滿堤最宜積
雪斷橋西雲開山頂寒
威歛影合湖光匹練齊蘇
小門前梅早放林逋墓
畔鶴猶棲遊人跨馬尋春
去柳外塘邊路尚迷

明言堂詩集 卷之九 五
春閨怨

湘簾遙籠百花香脈脈深閨春晝長和風滿院飛
絮狂阿儂慣繡雙鴛鴦鴛鴦繡罷時獨立閒倚圍
屏心悵悵一腔情緒有誰知落花千片風前急畫
檻晴薰萬卉鮮黃蜂紫蝶來翩翩辜負春光幾許
妍游絲白日情相牽雲鬢慵整愁百斛倦來無語
牙床宿低垂粉面淚暗流何處高唐峯六六

秋閨怨

梧桐庭院月如彎野棠開徧環溪山錦慢牙床轉
簫瑟棄捐團扇凭闌干金風拂拂露初溥亭畔淒
清夜漫漫九迴腸結誰與語心情千萬渾如縷疎
柳當窻響不停殘荷經雨全消暑爐冷無烟麝氣
留素琴欲理情如許花時丹桂正飄香皓魄初沉
秋影涼今夕何夕空徬徨芳辰虛度心茫茫香羅
濕透立銀塘却顧池面雙鴛鴦

柳枝歌步明周憲王韻

白公堤上綠垂垂掩映桃花十萬枝幾陣晚風柔
莫勝蠻腰低舞漢宮眉

其二

淡淡風光漠漠塵數株烟柳拂殘春最憐陌上渾
無賴偏向關河送遠人

四景詞

桃紅依繡戶綠柳傍朱欄愛此春暉永長承百歲
歡

芰荷臨遠榭鷗鷺傍清池夜坐閒消暑涼生雨過
時

颯颯金風動新涼午夜生開簾邀素月心跡喜雙

清

朔吹飄窓外同雲六出飛圍爐時撥火嘯咏下重

幃

楊柳枝

漠漠東風細細吹舊條折盡見新枝長隄十里晴
光好暗逐輕塵綰別離

其二

隋隄春盡綠陰深折取長條好贈人記得當年蘇
小小歌裙舞袖已成塵

其三

灞橋烟樹望中齊
淡蕩輕風十里迷
無數柔條添別恨
幾人攀折嶺頭西

竹枝詞

巴東蕩槳過巴西
十二巫山一望迷
點點湘筠流別恨
暗風淒雨杜鵑啼

其二

渺渺雲山天一方
送郎何日始還鄉
秋風颯沓吹羅幕
倚枕無言更漏長

其三

為雲為雨在山頭
妾在空閨郎遠遊
試取金錢燈下擲
歸期未卜使儂愁

其四

芭蕉滴雨砌蛩鳴
長夜無眠聽漏聲
記得送郎江上別
寶釵敲斷說離情

遊仙曲

瑤池宴罷駕雲駟
寶蓋迎風降九天
昨侍玉皇香案下
仙衣猶惹御爐烟

初秋登不繫園玩月

秋來風靜浪花平不繫舟名中流鼓棹行柳外半輪

明月上碧霄無際遠山橫

其二

月正明兮風正涼棹歌欸乃聽悠揚眼前自喜團
園景不似人家秋思長

上之回

青青垂柳映芳叢伯勞飛燕分西東流連景物情
何極晝鎖輕寒長樂宮長樂宮中花正爛可惜君

王不相見朝來暮去望幸深日月如丸逐流電片
片飛花點碧池雙雙蝴蝶上花枝著意挽春春欲
去安得長繩掛羲馭忽聞御輦望中來重整雲鬢
縮玉釵願持紈扇承顏色好對春風次第開

將進酒

舉頭見明月駐馬看花枝人生不滿百空懷千歲
期有酒止不飲鹿鹿復何爲彈指流光迅如駛少
年老去壯心已人當弱冠莫輕過抗懷在昔長翹
企馳馬試劍吾未能摘句等章頗自喜君不見李

明善堂詩集 卷之九 九
青蓮一飲斗酒詩百篇又不見張長史醉後落筆
如雲烟古來豪俊多曠達何不矯首追前賢須知
夜遊當秉燭白駒過隙良迫促胸中卓犖天地寬
進酒高歌亦自足

隨

駕幸臥佛寺恭紀

扈從山行好清塵

輦路幽花宮瞻此日臥佛已千秋日暎朱旗動風飄
香篆浮吾

皇偶臨幸不是喜

宸遊

七夕

金風吹落葉簾外月如鉤佳節傳今昔良宵看女
牛銀河遙夜耿玉露滿庭秋乞巧年年事針樓笑
語稠

侍萱齋偶成

不到齋中久塵封几硯傍鳥來疑熟識花發更凝
香偶坐身如寄流年去亦忙願循溫清禮長此侍

萱堂

寄呈敬齋四兄

喧豸催送六丁雷雨夜行營詩自裁遙想敬齋多
樂事堂前應進紫金壘

秋日冰玉山莊作

鐵馬因風響山莊落葉天寒蟲吟砌畔爽氣豁窓
前漁笛扁舟遠樵歌野逕連蕭疎堪極目秋色滿
塘邊

西郊曉行

朦朧曙色拂寒霜尙見西郊月滿塘葉落疎林隨
去鳥風披遠陌隱鳴蜩橫空雁度晴雲裏隔岸人
行古寺傍極目千邨秋意好馬頭掩映菊花黃

種菊

呼童芟草作生涯隙地分栽稱意花不欠淵明籬
畔景一尊相對興偏賒

寄呈九思大兄

扈

蹕來南苑颯颯秋風涼油雲忽布濩驟雨聲奔狂紫

電掣空際閃爍迸光芒倚枕不能寐孔懷結天良
遙憶高齋裏讀書坐匡床石鼎烹雲泉博爐焚妙
香何當叶壘篔追隨相頡頏詠詩寄短札聊以訴
衷腸

秋爽宜人燕居無事學步蟬聯體賦得松風
雪月天花竹鶴雲烟詩酒春池雨山僧道柳

泉二十首

松

古色含蒼翠如龍欲上空那知霜氣冷却喜日華

融長共千年秀寧甘百卉同蕭然無俗韻徒倚待
清風

風

蘋末生清風吹來徧巖穴披襟解鬱蒸破浪疑吞
鬣颯颯過天邊飄飄拂山嶠吹滿亭苑中柳花翻
白雪

雪

六出舞長空瓊瑤滿林樾亭畔堆如鹽山頭白似
髮漁翁醉未知樵子歌欲歇何當天霽時倚枕待

明月

月

涼風三五夜皓魄正空懸寒影迷千樹清光印百川
客窓侵旅思虛幌照瑤編萬斛愁俱解長歌矚
遠天

天

蒼茫含太極功用本無涯一氣洪鈞轉千秋覆幬
賒誰人能鍊石何處可浮槎聞道來西竺中天雨
作花

花

藤蘿自作墻紅紫覆空谷宛是尋桃源又疑入海
屋和風拂蕙蘭秋雨滴金菊為惜好花枝池邊編
短竹

竹

幽篁植數竿清陰垂簾幕烟外見青枝風中鳴紫
籊蕭蕭瘦影寒颯颯秋聲落截取作笙簧九臯聞

白鶴

鶴

明善堂詩集 卷之九
九臯鳴自遠不入鷺鷥羣羽潔庭前見聲清天外
聞孤山怡處士赤壁悟蘇君惟有丹砂頂躡蹠點
白雲

雲

出谷渺無際飛空亦自然隨風成聚散映月更嬋
娟嶺上浮元氣樓頭望遠天桃源深處見疑是有
人烟

烟

携杖登高閣烟光色幻奇晚霞籠萬竈春柳鎖千

絲野火燒空後風來雪霽時簾前香篆裊正可伴
吟詩

詩

獨坐渾無事拈毫常在手清詞迥不羣妙句覓佳
偶落筆動龍蛇壁箋盤蚪蚪愛學古逸人百篇酣
斗酒

酒

一杯常在手以醉滌煩塵觴詠酬佳節笙簧燕樂
賓劉伶多放達阮籍恣天真自得陶然趣應知大

明善堂詩集 卷之九 四
地春

春

風光何駘蕩春色正相宜人喜堪吟景天成可醉
時冰開魚出戲花發燕來遲且擬移雙棹村前泛
小池

池

含虛激空明鏡色澄秋宇浴鷺戲晴川遊魚出深
浦流波浮遠山倒影映芳樹日暮蕩舟回輕帆度
微雨

雨

朝來滋霖霖林樹洗秋顏柳濕塵氛淨花添錦繡
斑清流亂澗穀遠嶠失烟鬟獨坐堪娛目如絲織
碧山

山

推窓列遠岫空際出峻嶒望去疑圖畫何時一眺
登嵐光浮樹影雲氣見霞蒸薄暮聞鐘響應知有
定僧

僧

結茅在空谷古寺無人到靜坐禮梅檀閉關獨灑
掃禪心叅活機妙諦得空奧堪笑紅塵客奔走長
安道

道

南來北往人終日馳奔走平坦示周行崎嶇歷高
阜勞人詩自作志士行毋苟最喜直如弦夾堤徧
楊柳

柳

龍池景色好踈地柳條妍風動千枝雨雲烘萬縷

烟河橋贈欲折山館綠初眠繞樹聽鶯坐深林雜
澗泉

泉

滴滴落遙峯鳴泉響玉淙穿巖渾似箭過峽去如
龍細脉尋深奧清流覓遠蹤閒來一眺望獨倚兩
三松

新居

別圃新營地一弓林泉儘可拓心胸牙籤高架藏
書富繡幕低垂彩篆封幾陣風敲庭畔竹半輪月

掛嶺頭松軒楹喜雨西山對閒看雲屏天外峯

其二

階前樹色映清池小築閒居晝漏遲日照數椽冬
尚暖月臨曲檻夜偏宜琴書半榻添幽趣花鳥盈
庭伴咏詩几淨窓明塵事少冲霄愛聽鶴鳴時

其三

慈竹深深護北堂枝頭好鳥弄笙簧四圍山色如
屏列一苑晴光似畫張詩集鄒枚吟正好業隆堂
構慶初長閒來緩步斜陽景新茸樓臺映碧塘

其四

卜築清幽便是家閒栽數種可人花地連禁苑迎
朝旭樓看西峯映彩霞暑退好風披榻畔秋來明
月籠窓紗朝回無事臨軒坐長伴詩書興自賒

喜雪偶成

同雲迷四野瑞雪喜均霑似散風前絮如堆院裏
鹽無香梅在嶺有影月窺簾積照侵書幌搖光晃
畫簷圍爐饒逸興呵凍落毫尖適叶農夫慶占年
樂更添

聞晴江林師回京因寄

昔年函丈春風坐因出衡文惜遠離宗匠歸來持
玉尺梅花正發暮冬時

雪夜

圍爐添獸炭賞雪興偏饒凍合梅花白光同月影
嬌更憐吟思足能使客愁消回首西園景瓊林一
望遙

明善堂詩集卷十目錄 癸亥

元旦早朝

元宵後一日登樓觀霽雪

春日郊行極目

過湖上口占

畫桃花

杏花

牡丹

生日作

明言堂詩集 卷之二
初夏步月

白牡丹

君馬黃

有所思

初夏至園有感

隨

駕幸香山恭紀

賦得銅雀春深鎖二喬

得喬字

恭讀

御製題度子張鵬翀春林澹靄圖臣寵遇殊深榮

幸特甚敬用元韻勉和六章以誌盛典云

次溶溪沈師蓬瀛深處偶成韻三首

月夜聞笛二首

恭和

御製香山示青崖和尚韻兼寄

隨

駕幸靜明園恭紀四首

臨高臺

消夏雜咏十首

參禪

禮佛

咏瓶中荷花四首

大風

浴罷假寐醒後偶作 得涼字

露坐

觀荷

雨窓閒眺 限窓字

雨後納涼見月有成

立秋

隨

駕恭謁

祖陵曉發

圓明園喜成一律

石槽村夜雨

駐石匣不寐口占

曉出古關

古關懷古

謁楊令公祠二首 公諱業宋人征遼陣亡土人重其威名為立祠

出塞吟

過青石嶺二首

車中望雙塔山

過廣仁嶺

塞上聞笛

夜雨不寐次靜怡韻

隨

駕哨內行圍二首

進哨秋夜漫成

塞上曉行即事

至敖漢見瀑布二首

阿魯科爾沁道中即景

塞上中秋

塞上夜觀靜怡詩稿因憶交輝園景漫成一

律

科爾沁道中見雁有感

家僮至塞詢知庭桂花開甚茂喜題有寄二首

塞上寄九思大兄

依馬湖值風雪

射虎行

塞上恭逢

母妃千秋同四兄遙祝後卽次四兄韻

隨

駕恭謁

永陵禮成敬賦

隨

駕恭謁

福陵禮成敬賦

隨

駕恭謁

昭陵禮成敬賦

隨

駕至瀋陽城瞻仰舊宮敬賦

明言堂詩集 卷之十 五
至瀋陽謁

父王祠

憶菊有寄三首

渡遼河

歸途寄呈

母妃

和九思大兄見寄原韵

廣寧道中遙望醫巫閭山喜成八韵

又和秋明四兄韵

道經錦州

路經松山

寧遠途中馬上口占

過首陽山謁夷齊廟二首

中前所月下望海

曉行見滄海日出

宿山海關外對月做首尾吟有寄

榆關懷古

登澄海樓觀海潮作二首

十七日夜聞潮

十月望後二日曉登澄海樓觀日出

又成五古一首

望漢右北平太守李廣射虎石遂成長歌一首

題三河水月禪林壁

至通州題壁

還京家宴偶紀一律

和鶴亭盤山詩韵却寄

寒夜遣興

送秋明四兄往祀

水東村感賦

香閨四聲詩

曉鶯聲

賣花聲

環佩聲

喚茶聲

東六姨丈索詩

明善堂詩集 卷之一
奉和秋明四兄燈下見寄原韵二首

同秋明四兄半畝園讌集

題秋明四兄所贈深嵐喬木圖

除夕

明善堂詩集卷十 癸亥

元旦早朝

五雲開處九霄邊
雉扇初移淑景妍
香靄

御爐星彩煥旌飄

玉仗寶華連
同和樂奏鵷班
肅輯瑞儀成

鳳陞虔萬國
衣冠齊拜舞
堯庭集福自年年

元宵後一日登樓觀霽雪

何處著丹青
風光澈杳冥
堤鎔銀作砌
山借玉爲

屏梁苑翻新曲
堯階試落莫
凭樓詩思遠
相對藉

明善堂詩集 卷之十
春櫺

春日郊行極目

幾行嫩柳始含烟
取次郊行意灑然
遠岸雲藏沽酒店
隔溪風漾打漁船
馬嘶舊路馳偏穩
鳥弄新聲囀更圓
景物初春堪縱目
林巒芳色各爭妍

過湖上口占

遲日園林好湖堤
一望收斷冰流水
面殘雪照山頭
霽後塵氛靜
春來花木幽
小橋閒獨步
鶴鹿共遨遊

畫桃花

山畔天桃映翠苔
興來搖筆鬪花開
千株紅白濃於錦
疑是劉郎著意栽

杏花

送來春色不教遲
人倚樓頭欲醉時
若傍綠楊微帶雨
分明一幅畫中詩

牡丹

春風著意鬪嬈娟
開到花王百倍妍
似似玉環陪宴後
餘醒未醒倚欄前

生日作

荏苒流光度驚心廿二年榮華蒙

帝澤忠孝秉家傳矢志冰淵在怡情詩酒緣浮生聊
自適負荷愧先賢

初夏步月

清宵屏人事月下萬緣空獨有詩懷在閒吟花下
風

白牡丹

嫩綠叢中發異香數枝旖旎曲闌傍昭陽不著黧

脂色號國新憐淺淡妝雪作姿容冰作骨玉爲神
采月爲光由來素質天然妙姚魏何誇紫與黃

君馬黃

君馬黃我馬白馬色雖參差同君行大陌論心投
分應交人如何交富不交貧世情輕薄都若此貧
富移心真可恥君不見洛陽市上酒家樓五陵裘
馬少年遊千金一擲不回顧豪情百尺誰堪儔一
朝冷落繁華已富貴原來無定耳

有所思

妾本閨中女初時嫁與君共佩同心結感君意殷
勤百年期相守頃刻何忍分一朝遠別河朔間干
重水兮萬重山良人天末音書斷空房繫念大刀
環只有庭前月滿林夜深月色來相侵獨坐挑燈
眠未穩且將心事託瑤琴聲聲淒切疑有訴寫出
懷人在邊戍何時得聽凱歌旋歡聲整旅入幽燕

初夏至園有感

又屆清和首夏時薰風畫檻日遲遲翻階芍藥紅
于染拂岸垂楊綠作絲對景閒吟消歲月惜春無

語到庭墀幾回惆悵韶光去更覺愁人酒一卮

隨

駕幸香山恭紀

翠輦經行山逕幽沿隄景物望中收香來古寺薰風
暖雨潤芳田麥浪浮坦道輕鞍馳駿馬茂林淑氣
喚鳴鳩遭逢感沐

君恩渥歲歲精藍許從遊

賦得銅雀春深鎖二喬 得喬字

鄴城城下路迢迢銅雀臺高春色饒繞樹鶯歌聽

明善堂詩集 卷之十 四
現睨暎欄花發看妖嬈爭傳霸業留千古空有芳
心戀一喬繡幕珠簾仙境杳漳河此日雨瀟瀟

恭讀

御製題庶子張鵬翀春林澹靄圖 臣 寵遇殊深榮幸

特甚敬用 元韻勉和六章以誌盛典云

一幅生綃墨運奇遠峰如黛柳如眉

君恩賞識親題句榮遇真堪耀一時

久道詞臣比鳳毛畫圖筆墨意相高春光一望疎
林澹不貴穠華點露桃

聖藻光華燦五雲春林掩映共成文詩情畫意由天
定獎借先從玉案分

傳來

天語喜親承劍佩聲隨玉陛升撤得金蓮送歸騎

恩深 臣 下恐難勝

賜和珠璣頃刻成自天題處沐 恩榮散仙從此增

聲譽畫意詩情供 上清

待沾聲價豈容求玉署名標五鳳樓誰似朝朝侍
香案濡毫賡和殿西頭

明言堂詩集 卷之十 五
次溶溪沈師蓬瀛深處偶成韻

繞屋清湍綠陰遮數竿脩竹受風斜蓬瀛眼底塵
難到差別長安富貴家

其二

是處安排卽島洲山光水色足淹留恰當消夏供
幽賞幾度題詩載酒遊

其三

雨歇林巒淨碧塘風來初夏覺微涼知魚亭上閒
垂釣樂意相關並惠莊

月夜聞笛

雲淡高空風色晴誰家擊笛韻偏清梅花吹落傳
新調入耳聲聲何限情

其二

圓月中庭影似盤心情無那倚闌干今宵何處傳
清響吹出關山一曲寒

恭和

御製香山示青崖和尚韻

翠輦遙臨古刹新四圍山色映芳津祇林寂靜通方

丈蓮社因緣契上人法界潮音飄碧落諸天香氣奉

清塵追陪笑指拈花處應悟觀空色相真

隨

駕幸靜明園恭紀

山開紅日照平蕪一鏡光生裂帛湖兩岸麥田關

睿慮不教警

蹕聽傳呼

其二

烟籠金柳拂長隄首夏風光綠影齊此日晴明多

景色

翠華重幸禁園西

其三

青龍橋接玉泉山

輦路風清極日閒曲沼層臺人不到西峯遙拱露雲

鬢

其四

雨過西巖淨點塵

明言堂詩集 卷之十
宸遊到處物華新諸臣扈從承 恩渥芳甸常留黍

谷春

臨高臺

臨高臺高臺遠望山崔嵬森森松柏翠爲堆嶺雲
片片相吞吐中有神仙之洞府龍虎守向石欄眠
鸞鶴相近丹爐舞爐烟初起聞龍腦香霧漫空正
淼浩大隄一帶淨無塵恰看雨灑長安道萋萋芳
草綠如雲數行楊柳相糾紛公子王孫金勒馬畫
裏風光誇豔冶折花醉酒各陶然誰是襟期最瀟

灑高人濯足凌清波振衣拂袖山之阿四圍縱目
萬象和一齊收拾付長歌

消夏雜咏

綠柳陰濃繞曲池閒園正可納涼時移舟泊向蘆
汀岸不住蟬聲風漫吹

其二

小屋周遭列短墻疎籬斜倚草亭傍山花爛熳開
如錦喚雨鳩聲過曲塘

其三

明善堂詩集 卷之十
窻明几淨可吟詩吟罷揮毫樂自知一榻清風方
睡足奚童又報夕陽時

其四

爐內焚香裊篆烟午窻聊檢白雲篇慵來閒倚闌
干立鸚鵡檐前教蕩船

其五

溪邊亭子晝沉沉夏木千章綠蔭深獨坐繙書消
永日松風隔水奏商音

其六

樓臺掩映畫圖中曲水池頭竹逕通紅蓼洲邊閒
鼓棹晚涼幾陣是荷風

其七

小齋幽寂似山林晝掩重門少足音漫對綺疏如
畫裏幾聲宛轉聽鳴禽

其八

日長無事倦難支閒向磯邊理釣絲取得錦鱗香
作鱠舉觴坐待月生時

其九

明言堂詩集 卷之十 九
樓中簾捲入晴嵐默坐匡床興自酣贏得眼前風景好詩禪畫偈總相參

其十

數堆靈石妙欹斜階下分澆次第花好是清閒似山客一琴松下靜無譁

參禪

近來窻下學參禪斷却塵根志欲堅色相空時通夙慧靈明悟後每超然當軒月印千潭水入座風吹一炷烟心契真如渾不染此身自在喜隨緣

禮佛

西土金仙教獨神傳來中國覺斯民長繡貝葉通諸典任散天花不著身三昧靈機開寶鏡一真妙旨渡迷津近時參得瞿曇理稽首皈依拜法輪

咏瓶中荷花

夏日炎蒸靜掩門一泓水色映遙村紅香解語凌波好折向芸窻仔細論

其二

花名君子孰爭先水注磁瓶分外妍如畫疎櫺相

明善堂詩集 卷之十
掩映香風幾陣拂簾前

其三

風姿綽約謝娥頰
瓶際清芬拂拭新
冰簟夢回花態好
沁心涼氣淨羅塵

其四

出自泥中不染泥
亭亭玉立幾莖齊
佛身現處因緣在
靜對軍持性不迷

大風

西北轟雷掣電交
狂風忽起聲咆哮
飛沙蔽天走

萬里星沉斗暗騰
龍蛟倦倚匡床身
復起奔湍箭激聲
盈耳呼童急急掩
窓扉捲盡炎威心
亦喜不周廣莫名
不同曾傳退鷁飛
遙空今宵鼓動震
林木吹滿大塊鳴
長松長松謾謾响
怒濤層霄裂帛搖
靈鼇倏忽風停占
雨脚開襟挹爽傾
香醪

浴罷假寐醒後偶作

得涼字

經旬頗炎熱揮汗
沾衣裳雨餘欹枕
坐新浴生微涼冰
簟無纖塵高臥據
方床我性愛閒適
此意同羲皇爽籟
敲窓竹清芬滿池
塘荷翻動翡翠沙
暖

明言堂詩集 卷之一
嬉鴛鴦夢餘一回顧悠然引興長軒渠聊自得吟
眺水雲鄉

露坐

繞屋濃陰小院涼夜深零露濕衣裳光生螢火簾
間照風度花枝榻畔香幾處蟲吟情共遠數聲鶴
唳興偏長徘徊月吐千山後清影娟娟滿曲廊

觀荷

紅衣翠蓋碧池頭綽約花容望裏收爲愛凌波來
曲岸夕陽殘照木蘭舟

雨窓閒眺 得窓字

風吹細雨過軒窓一洗高空暑氣降碧障烟凝橫
翠黛綠荷珠滿滴澄江霏微簷溜絲千縷依約鷗
飛影一雙小榻當庭閒倚枕隔溪泉響似奔瀧

雨後納涼見月有成

雨霽高空擁玉盤新涼天氣倚闌干秋光便覺今
宵近先借明蟾眼底看
滴滴聲傳花影中堦前露坐待秋風不須絃管吹
閨闔一鏡清輝挂碧空

立秋

乍見梧飄葉，聞園報早秋。
風輕涼欲動，露滴暑初收。
夜月橫空耿，吟蛩繞砌幽。
省方期正近，攬轡奉

宸遊

隨

駕恭謁

祖陵曉發

圓明園喜成一律

兩行綠柳拂堤橫，爽氣西來曉倍清。
駿馬臨風嘶

漠野霓旌帶月指

陪京弓刀環衛，千官肅劍戟森嚴。
萬騎鳴正是我

皇神且武，四方共慶泰階平。

石槽村夜雨

扈

蹕初程，駐石槽雲生嶺上雨瀟瀟。
寒郊莫厭蛩聲細

萬帳燈紅瑞色饒

駐石匣不寐口占

靜坐瓊廬下，紅燈萬帳明。
雲生知嶺疊，露冷覺衣

明善堂詩集 卷之十
輕蛩語鳴長夜鐘聲報轉更有懷成不寐隨筆記
行程

曉出古關

曉色邊城好欣隨

玉輦臨堞連山勢壯關抱水流深旭日生高岫寒鴉
動遠林由來稱重鎮策馬一閒吟

古關懷古

長城何代雄基址當年秦皇爲之始犬牙參錯嶺
頭峯蛟龍宛轉雲霧裏勞民行役不計貲東西橫

百千萬里彼時獨受好大名後世金湯蒙休祉繼
以漢世重邊關踵事開拓環山灣復遇隋皇大業
初經營修葺絕躋攀於今

盛世靜烽烟青山歷歷水潺潺我今至此一駐馬
詩情頓覺開胸顏一時逞興寄所思摩挲石碣觀
其遺古碑蝌蚪懸山陂不知誰氏留于茲君不見
羣雄割據常分土邊關千載誇用武豈如

聖朝大一統中外多蒙王化撫

仙蹕經行道路平夷漢軍民齊拜舞余欣

隨

駕謁

祖陵對景長歌

帝德普

謁楊令公祠

公諱業宋人征遼陣亡
土人重其威名爲立祠

欣陪

玉輦出邊關取次裴哀古廟間無敵威名千古著今

瞻遺像識英顏

其二

超羣智勇史書標廟貌於今歷數朝荒草頽垣烟
漠漠應餘遺恨矢吞遼

出塞吟

向以詩書喜自娛今朝出塞列前驅旗飄漠野風
初冷馬走邊隄草欲枯每聽蛩聲吟夜月常看雁
影度新蘆行程萬里頻回首滿目雲山入畫圖

過青石嶺

嶺高百仞瞰層霄曲徑紆迴一望遙至此行人頻
駐馬金臺回首路迢迢

其二

秋風落葉灑長林四望峯巒黛色深獨立山坡看
瀑布野花香氣滿衣襟

車中望雙塔山

兩峯對峙儼如屏雙塔傳名最異靈峭壁懸崖無
路入鬱蔥佳氣自青青

過廣仁嶺

石徑斜通百仞高紅欄曲折護週遭壯遊不覺登
臨險駐馬峯頭望翠濤

塞上聞笛

日日隨

邊塞行忽聞冷笛暗飛聲陽關別調悠揚轉那有

征人不動情

夜雨不寐次靜怡韻

塞外驅車不暫停良宵惟對一燈青風聲淒緊吹
疎雨偏送行人耳畔聽

隨

駕哨內行圍

明言堂詩集卷之十
隊隊旌旗望眼迷健兒調馬出長隄我

皇神箭無虛發獵罷收圍日欲西

其二

咕嗶芸窓一小儒也隨獵騎効前驅林中射得衝
圍鹿特地携回付膳厨

進哨秋夜漫成

邊風落葉漸蕭條塞上光陰倍寂寥行帳馬嘶山
月白羶廬人憶

帝京遙笳鳴四野秋聲起斗轉三更夜漏迢倦後矮

牀聊暫憇莊周蝶夢任飄飄

塞上曉行卽事

瞳矓旭日出遙空一望烟林瑞色籠駿馬黏車隨
輦路霜楓新染映山紅

至敖漢見瀑布

高峯如削望中開萬丈清流天半來塞上寒光迎
馬首欣隨

玉輦共徘徊

其二

噴玉翻濤景色多天然圖畫掛岩阿潺湲十里聲
猶覺堪滌塵心發浩歌

阿魯科爾沁道中卽景

一望渺無際關山路轉遙賓鴻雲外度落葉馬前
飄楓嶺如紅錦松聲透碧霄丹青堪入畫秀色恐
難描

塞上中秋

欣隨

輦輅赴三韓明月今從塞上看笛韻頻催清露冷笳

聲遠送勁風寒故園丹桂開金粟行帳銀蟾露玉
盤此際登山一舒嘯曠懷無已到更闌

塞上夜觀靜怡詩稿因憶交輝園景漫成一
律

經歲同居在小園賞心樂事憶當年花間把盞邀
明月池上看蓮泛畫船芳樹春晴啼好鳥虛窓夜
雨擘吟牋行營剪燭觀佳咏風景依稀在目前
科爾沁道中見雁有感

塞地淒風早覺涼遙天鴻雁自成行不知可向西

明言堂詩集 卷之十
園過書寄兒安慰

北堂

家僮至塞詢知庭桂花開甚茂喜題有寄

塞上秋風八月寒塵沙撲面歷三韓欣聞小苑天
香發憶昔同吟倚畫闌

其二

聞說飄香滿綺樓瓊廬獨坐思悠悠關山迢遞暄
涼別一夜西風落葉稠

塞上寄九思大兄

極目燕山雲路長遙天飛雁悵分行喜隨輦路
風光美寄語殷勤慰

北堂

依馬湖值風雪

秋色平分八月間湖邊風勁面生寒同雲亂布青
山失頃刻冰花集繡鞍

射虎行

山深圍廣路阨塞鬱蔥林木高百尺人馬橫表雁
翅排嵐氣迎眸寒威逼仰看衆岫羅如星層巔俯

明言堂詩集 卷之十
視曦輪昇合圍未畢方前進忽聞一陣寒風腥縱
目遙看咸住步言是山君當岐路掉尾張牙正負
嶠馬怯人驚面相顧猛獸不殲人必殘獵士賈勇
如林攢相持搏擊兩不讓巖頭立馬真奇觀我
皇親自率禁旅一箭橫胸洞肺腑從茲惡劣得剪除
扈從諸臣齊蹈舞昔人射虎但耳聞何似隨

鑾日見真

聖君神武本天縱盛事應當記史臣

塞上恭逢

母妃千秋同四兄遙祝因次四兄韵

令節年年此日同弟兄繞膝慶無窮今隨 輦路

偕遙祝翹首南山雲樹重

隨

駕恭謁

永陵禮成敬賦

環拱千峯秀滌洞萬水漪蛟龍通地脉松柏蔭山
陂

聖德貽謀始神功創業垂觀瞻何限喜舞蹈拜丹墀

隨

駕恭謁

福陵禮成敬賦

王氣鍾靈異

園陵秀色奇松楸干碧漢日月麗彤墀

帝德昭明在神靈擁護持

珠宮烟靄隸玉岫勢逶迤積累鴻圖建纘承大業貽隨

鑾瞻俎豆拜舞沐

洪慈

隨

駕恭謁

昭陵禮成敬賦

報本前謨顯迎

神雅樂鳴功高歌莫罄德盛頌難名

聖武松山著神威勝國驚

太宗文皇帝曾在松山 杏山破明兵二十萬 玉衣

先協瑞石馬尚如生

陵前二石馬云係 太宗皇帝出征所乘之騎遺像在焉

長白開基遠遼陽王業成升馨瞻

至孝執鬯展

明善堂詩集 卷之十 三
宸情烟藹通霄漢
氤氳集寶城
貽謀綿世澤
陪祀薦葵誠

隨

駕至瀋陽城
瞻仰舊宮敬賦

宮殿巍巍壓鳳城
邠岐氣象舊經營
千山虎踞興王業
萬水龍蟠帶玉京
畫棟丹楹雲彩護
鸕班鷺序曉風輕我

皇臨幸光前烈到處

恩波愜衆情

至瀋陽謁

父王祠

數載忠誠著廟堂
遺祠千古足流芳
今朝瞻拜思前烈
繼述深慚負

父王

憶菊有寄

已過重陽半月期
家山黃菊正當時
朱欄碧檻香應滿
旅邸尋思遠寄詞

其二

明言堂詩集 卷之十
塞外行來秋色殘黃花應已滿雕欄煩君傳命慙
勤灌十月還時把盞看

其三

欹枕寒宵不覺暄挑燈獨對憶家園夢回依約秋
光好滿徑黃花透短垣

渡遼河

發源來塞外迤邐帶三韓地接興京近波連瀚海
寬長虹垂斷岸裂帛汎迴瀾利涉欣隨

輦汪洋一大觀

歸途寄呈

母妃

因隨

玉輦別慈闈遠夢時時到寢扉退食常思侍膳樂蚤

行每憶問安違填筮調叶欣聯轡

時同四兄
隨圍

定省

情慙望早歸計日抵家依膝下筵前重整舊斑衣

和九思大兄見寄原韻

光陰屈指動葭灰喜得家音萬里來塞樹鬱葱思
棣萼瓊廬寂寞憶樓臺新詩遠寄情堪慰班馬知

明善堂詩集 卷之十
歸聲不哀幽菊晚香猶可待洗塵筵宴異兄開

廣寧道中遙望醫巫閭山喜成八韻

輦路塵沙淨歸鞍信所之芒屨踏雪冷策杖看山遲

峭壁千尋立層崖百尺垂蒼松迷古洞

上有桃花洞望之不

見茂樹繞清池地勢橫幽冀星光照尾箕冬來飛

瀑布

相傳飛泉自岩而下雖隆冬不冰

馬到怯山陂神與目偕往

心隨境轉移勾留不忍去徙倚獨題詩

又和秋明四兄韻

聲名同岱華

山自舜時封作鎮幽州

遙覽岫光迷秀脉環其

左清流遶更西疎鐘穿寺遠落日向峯低並轡看
無厭詩成好共題

道經錦州

未消殘雪馬蹄寒颯沓西風落葉乾遙望山城烟
樹景穿林斜日映征鞍

路經松山

周道看如砥松山獨峙遙嶺頭殘雪白谷口朔風
飄百戰烽烟靜千秋玉燭調太平常偃武策馬興
還饒

明善堂詩集 卷之十一
寧遠途中馬上口占

行至古城隈斜指城邊路落葉林影稀放眼山光
暮鳥道少行人平沙多淺渡偶從略約過煙景殘
霞護

過首陽山謁夷齊廟

扈

蹕經臨入寺門千秋遺跡表山村我來駐馬閒登眺
高節爭傳兩弟兄

其二

叩馬高風萬古揚首山草木亦芬芳當年采蕨寧
甘餓慷慨長歌欲報湯

中前所月下望海

偶駐山城望海潮蒼茫烟水遠迢迢檣帆轉瞬飛
千里雪浪排空接九霄曉月一輪輝寶鏡殘星幾
點映寒嶠無邊佳景堪娛目貝闕蓬萊定不遙

曉行見滄海日出

輦路塵清趁曉行馬蹄殘月影縱橫洪流湧出扶桑
日一道霞光鏡裏明

明善堂詩集 卷之十
宿山海關外對月傲首尾吟有寄

舉頭明月四圍圓漸上燕山在目前寒漏沉沉宵
正永離情渺渺思無邊吟成荒塞同誰咏憶到深
閨悵各天歸後圍爐說遊跡邊關冬日景蕭然
邊關冬日景蕭然撲面寒風到帳前葉落林空山
更翠潮平海濶岸無邊何曾把酒消清夜只有吟
詩憶遠天來往征途堪屈指舉頭明月四圍圓

榆關懷古

早進榆關門縱目盧龍境雉堞何森森叅差接高

嶺祖龍築長城自謂萬世永豈知炎劉興此意成
畫餅近稽明季時重關亦齊整內政一廢弛邊烽
恒宵警我

祖應天人王師曾馳騁

聖聖復相承戍火百年靜我今扈

蹕謁

陵回緩轡徐行覽奇勝更見華封祝

聖人執香跪拜羅山徑父老盡得瞻

天顏盛世休風歌莫罄向聞在德不在險

明善堂詩集 卷之十一
益信斯言良足聽

登澄海樓觀海潮作

百尺樓頭眼界寬
烟波萬里信奇觀
風來潮湧平層檻
日出霞生辟曉寒
幾度登臨邀過客
竭來眺賞息征鞍
蜃樓海市多成幻
獨坐留連倚曲欄

其二

向聞瀛海最清幽
今日岑樓縱目收
三島依稀雲裏現
十洲髣髴鏡中浮
信潮不爽平時約
賓雁能知此日秋
每欲乘槎探仙窟
臨風凭檻思悠悠

十七日夜聞潮

月色溶溶星斗高
瓊廬閒臥靜無譁
砧砧驚醒家園夢
疑是千松嶺上濤

十月望後二日曉登澄海樓觀日出

斜月明樓角
疎星掛碧天
洪流光浩渺
曙色影澄鮮
俄見曦輪轉
還看碧浪連
須臾離海嶠
臨照萬方懸

又成五古一首

山寺曙鐘鳴
起看滄海景
高閣風生寒
輕裘不畏

明言堂詩集 卷之十一
冷捲簾見朝陽射物皆倒影金鏡浴方新光芒流
萬頃

望漢右北平太守李廣射虎石遂成長歌一
首

歸途緩轡遲金勒閒尋野叟求遺跡
詢問遺跡在何方扶杖遙指山中石
陽山高峻鎮斯土西有怪石儼如虎
漢將李廣夜見之一箭洞透沒其羽
將軍善射勇超羣單于心憚飛將軍
自此不敢近塞牧保護邊境多功勳
惜乎數奇未封侯漢廷諸將

孰與侔此事傳聞自故老威名勝跡遺
千秋我亦生平習弧矢遠遜將軍見
諸史急驅我馬望山垠怪石猙獰蠹
草裏當日雖留不世勳只今佳話人
云云但使英名後世聞功名芻狗同
浮雲

題三河水月禪林壁

乍聞梵響至寒林殿宇清幽古木愔
風引幡幢參妙法名連水月見禪心
堦前翠柏迎朝旭檐下黃花爽客襟
明歲春來還駐馬壁間可許續前吟

至通州題壁

明言堂詩集 卷之一
近畿風色好駐馬故遲遲曲逕蒼苔靜茅簷化日
熙葵枕傾北闕梅影想南枝自覺襟懷暢留題壁
上詩

還京家宴偶紀一律

到京家宴喜重開况是平安一路來花事正看梅
蕊綻秋風還記雁聲催詩成燈下添吟思塵洗筵
前進酒杯慰勞家人多絮語夜深明月匝亭臺

和鶴亭盤山詩韵却寄

三盤山下水流波滿目秋風景倍多蠟屐遊蹤渾

不定丹楓夕照竟如何無聊獨坐欣詩到有意同
登紀夢過明月清風添客思幾時並馬駐巖阿

寒夜遣興

朔風陣陣到清宵燈下敲詩興自饒處處寒更傳
漏永枝枝瘦影映窻嬌但尋陸羽茶經訣不羨劉
伶酒戶高瀟灑渾忘愁百斛倚樓誰按笛聲遙

送秋明四兄往 祀

水東村感賦

霜露春秋奉祀虔送兄冬月跨征韉宣勞扈

明善堂詩集 卷之一
三
駕驅鞭弭將事思

親肅豆籩罔極終慙 恩未報孔懷却喜誼相聯
此行未得偕昆季瞻望山園一愴然

香閨四聲詩

曉鶯聲

和風披拂柳條新曉色初開大地春
睨睨枝頭呼好友綿蠻樹底喚行人
驚回一枕巫山夢恍憶三生契夙
因漫倚繡幃情意懶低徊無語變成瞋

賣花聲

曙色春光映碧紗賣花聲促曉粧斜
穿簾香氣因風透隔院音傳使女誇
夢著芳枝驚枕簟呼從閭巷到人家
閨娃倦倚欄杆聽鸚鵡偏饒喚取茶

環佩聲

碧梧庭院晝初沉玳瑁簾垂香霧深
舞罷更聞聲歷歷歌來漫聽韻悃悃
低回搖曳迴廊影宛轉丁東曲檻陰
可待高樓明月上嫦娥一色靚粧臨

喚茶聲

繡簾光動雪花披玉茗新煎解渴宜
欹枕低呼聲

明善堂詩集 卷之
細細侍兒倦聽捧遲遲露芽味永深閨喚雲脚香
清午夢知若伎文君堪當酒當壚管取拾松枝

東六姨丈索詩

別後流光半載過新詩想已貯囊多山林幽靜資
風雅人世紛華任嘯歌不有佳章消寂寞偏增結
想在巖阿何時覓暇尋芳徑一曲陽春拜手哦

奉和秋明四兄燈下見寄原韻

寒燈乍剪月微昏寂寂庭階靜掩門忽捧霞牋傳
邸第好憑尊酒細評論

其二

枝聯棣萼共朝昏竹映簾櫳月映門憶得池塘春
草綠吟情合向此中論

同秋明四兄半畝園燕集

朝罷承歡奉

北堂孔懷情切共飛觴尊前細按霓裳譜更喜同
歌愛日長

題秋明四兄所贈深嵐喬木圖

山色螺回帶水流深嵐喬木小亭幽柴扉靜掩雲

霞裏曲逕層巖一望收

除夕

爆竹聲喧動四鄰
畫堂福壽自天申
人安喜慶家風勝
國泰欣逢

帝德淳柏酒滿浮除夕
宴華燈高照履端春
瑞烟香靄盈瑤席
淑氣先迎萬象新

